



Autoridade Tributária Gabinete da Comissária



“ Seja um bom cidadão, seja um novo herói para a nossa Nação ”

Sirkulár Nú: 04/III/AT/2021

ESTENSAUN BA PRAZU ATU SUBMETE FORMULÁRIU NO PAGAMENTU BA IMPOSTU MENSÁL NO ANUÁL BA TINAN FISKÁL 2020.

Konsidera ba renovasaun ba deklarasaun Estadu de Emerjénsia, liuhosi Dekretu Presidente Repúblika Nú. 15/2021, 1 marsu, ne'ebé aplika ba teritóriu nasionál hotu hahu husi periodu entre 4 marsu to'o 2 abril 2021;

Toma konsiderasaun ba servisu Ekipa Vijilánsia Epidemiolójika ne'ebé detekta kazu pozitivu husi Covid-19 iha munisípiu Díli no iha possibilidade boot ba iha transmisaun komunitáriu, maka governu, liuhosi reuniaun Konsellu Ministrus ne'ebé realiza iha loron 8 fulan marsu, desidi impoin serka sanitária no konfinamentu obrigatóriu iha munisípiu Díli, durante loron hitu nia laran, hahu husi oras tuku 00:00 loron 9 marsu to'o tuku 23:59 loron 15 marsu, ho possibilidade estende tan ba loron hitu, exetu ba deslokasoens hirak ne'ebé atu kumpre sira nia obrigaoens profesionais;

Konsidera mós katak Autoridade Tributária hanesan entidade governu nian ida ne'ebé mak iha responsabilidade ba administrasaun no kobransa impostu, no tributu sira no kontribuisoens finaseiras a favor ba estadu, iha nesesidade tebes atu aprova medidas atendimentu servisu públiku Autoridade Tributária nian, hodi kumpri medidas preventivas ne'ebé impoin ona husi governu kona-bá propagasaun Covid-19;

Ho nune'e, haktuir dispozisaun artigu 8.º, n.º 3, al. d) husi Lei Orgánika Autoridade Tributária nian, ne'ebé aprova husi Dekretu-Lei Nú. 31/2019, 18 dezembru, hau determina medidas administrativas sira hanesan tuir mai:

1. Ba Kontribuinte Doméstiku sira:

- Estende prazu pagamentu impostu no submisaun formuláriu impostu rendimentu relasiona ho tinan fiskál 2020;
- Estende prazu pagamentu no submisaun formuláriu mensal ba impostu sobre servisu (“service tax”) ba fulan Feveireiru, Marsu no Abril ba tinan fiskál 2021 nian;
- Estende prazu pagamentu no submisaun formuláriu impostu mensal ba pagamentu prestasaun Impostu Rendimentu (Income Tax) no Impostu Retensaun sira, inklui mós Retensaun iha fonte ba saláriu ba fulan Feveireiru, Marsu no Abril nian, ne'ebé mak ninia detallu husi tipu impostu retensaun hirak ne'e prevee ona iha formuláriu impostu mensal.



Autoridade Tributária Gabinete da Comissária



“Seja um bom cidadão, seja um novo herói para a nossa Nação”

2. Ba Kontribuinti Petrolíferus sira

Estende prazu pagamentu no submisaun deklarasaun rendimentu Pessoa koletiva nian [“*Corporate Income Tax (CIT)*”] no Impostu ba Lukru Adisionál [“*Additional Profit Tax (APT)*”] / Impostu ba Petróleu Suplementar [“*supplemental Petroleum Tax (SPT)*”] relasiona ho tinan fiskál 2020;

3. Tan ne’e, husu atu toma nota katak loron ikus atu submete Formuláriu Deklarasaun Rendimentu no pagamentu ba kada tipu impostu mensiona iha leten maka iha loron **31 Maiu 2021**. Entretanto, karik iha mudansa ruma relasiona ho Surtu **Covid-19**, Autoridade sei fornese no atualiza avizu eskritu ba kontribuinte sira hotu. Medidas hirak refere la limita ka la taka dalan ba kontribuinti hirak ne’ebé hakarak kontinua efetua pagamentu no submete sira nia deklarasaun rendimentu liuhosi plataforma **e-Services** liuhosi portál Autoridade Tributária nian iha www.atl.gov.tl
4. Komissária, aproveita oportunidade ida ne’e, haktuir ninia poder diskrisionária, hakarak informa ba kontribuinte sira hotu katak sansaun administrativa ka penalidade ne’ebé estabelese ona iha Artigu 72.º no 73.º husi regulamentu UNTAET sei la aplika durante periodu estensaun nia laran;
5. Sirkulár ida ne’e produz efeitu imediatu.

Karik iha dúvidas ruma kona-bá sirkulár ida ne’e, halo favor bele kontaktu ami liu husi **chat-box** iha Portal www.atl.gov.tl ou bele liga ba número hirak tuir mai: 7730 5824, 7700 9024, 7818 1920, 7740 6667, 7739 1332 e 7766 5259.

Obrigada ba atensaun no kooperasaun.

Díli, 9 marsu 2021

Mónica Rangel da Cruz

Diretora Jeral no Komissária Autoridade Tributária

